

## ثامن كواكب من بني الزهرا وسف مات ينحب على الظامي وغفا بـحجر المنيات

صوت المؤذن نادى ينعى عالم الآل  
والي الخليقه عن أعياله وشيعته شال  
يرثيه صايح في السما ودموعه تنهال  
سلطان لوجود أرتحل راعي الكرامات

قرآن في التابوت يتشيع للقبور  
خلفه الجواد ينوح يا بويه يمغدور  
ما قصر المأمون غاله وامسى مسرور  
دس في العنب سمّه وقضى نسل النبوات

ظهر المنابر منكسر واعتم المحراب  
في دار غربه فارق ويتم الأحباب  
أخته الجليله من درت دولبها لمصاب  
في قم مناحه سوت وماتت بغصّات

جسمه باراضي طوس يتوارى بمهابه  
وجدّه على المياد دم طفله خضابه  
ظل الجسد عريان منهوبه ثيابه  
نسوانه طعمه للسلب راحوا سبيات

راح اللي ينصب للعزا الماتم على حسين  
ينشد له دعبل والدمع زمزم من العين  
جرح القلب ما طاب يذكر فجعة البين  
يبجي الذبيح الما رشف من ماي لفرات